

**Жарма ауданы, Жаңаөзен ауылы,  
«К. Шакенов атындағы орта мектебі» КММ  
Мектеп Парламентінің  
2021-2022 оқу жылында атқарған  
ЖЫЛДЫҚ ЕСЕБІ**

2021-2022 оқу жылына арналған мектеп директоры бекіткен лауазымдық нұсқаулық хаты бойынша «Жас ұлан» бірыңғай балалар мен жасөспірімдер ұйымының жылдық жоспары құрылып, жұмыстар атқарылды.

Жылдық жоспарға сәйкес айлық, апталық жоспарлар құрылып, фракция мүшелері өз жұмыстарын атқарды. Әр аптаның дүйсенбі күні 7.45-те ақпараттық тізіліс өткізіліп, әнұран орындалады. Мектеп директоры жетістіктері бар оқушыларды марапаттап, мақтау қағаздары мен сыйлықтарын ұсынады.

Жылдың алғашқы аптасын "Қазақстандағы Аналар күні" мерекесіне орай "Анаға сыйлық" атты тақырыпта бастауыш сынып оқушылары арасында фотоколлаж ұйымдастырылды.

Мақсаты:

Анаға деген сүйіспеншіліктерін, құрметін арттыру.

Оқушыларымыз қолдан сыйлық жасап, аналарын тағы да бір қуантты.



22 қыркүйек - Қазақстан Республикасының тілдер күні. Осыған орай, 16.09.-22.09.2021 ж. аралығында мектебімізде тілдер апталығы өтті. Мектепшілік жоспарға сай түрлі іс-шаралар ұйымдастырылды.



"К.Шакенов атындағы орта мектебі" КММ -де

24 қыркүйек күні

мектеп парламент Президентін сайлауы өтті.

Аталған шараның мақсаты - оқушылардың ұйымдастырушылық қабілеті жоғары, шешім қабылдауға қабілетті, жауапты және тәртіпті, өз бетінше таңдау жасай алатын тұлғаны тәрбиелеу болып табылады.

Сайлауда барлығы 117 адам дауыс берді.

Президенттікке 4 оқушы ұсынылды.

Нәтижесінде 9 "Ә" сынып оқушысы

47 дауыс жинап,

Нұрбек Жұлдыз сайланды.



"К.Шакенов атындағы орта мектебі" КММ-нің "Ұрпақ тәрбиесі - ұстаздан" атты тақырыбында даярлық тобы тәрбиешілерінің ұстаздар мерекесіне арналған



құттықтау ұйымдастырылды. Ұстаздар мерекесі қарсаңында мектебіміздің "Жігер" оқушылар ұйымы ұстаздарды төл мерекелерімен құттықтап, бейнеролик жолдады.



"К.Шакенов атындағы орта мектебі" КММ-де

"Оқуға құштар мектеп" жобасы аясында "Кітап оқу -сән" атты тақырыпта Тәуелсіздігіміздің 30 жылдығына орай 30 кітап оқу айлығы өтті. Мектеп директоры Қайрат Сыдықұлы оқушыларға кітап оқудың маңыздылығын айтып өтті.



"К.Шакенов атындағы орта мектебі" КММ-де 11-қазан Халықаралық қыздар күніне орай жоспарға сай іс-шаралар өткізілді.



"К.ШАКЕНОВ АТЫНДАҒЫ ОРТА МЕКТЕБІ" КММ-ДЕ "ОҚУҒА ҚҰШТАР МЕКТЕП" ЖОБАСЫ АЯСЫНДА "КІТАПХАНАҒА ЖӘНЕ КІТАП ОҚУҒА ДЕГЕН СҮЙІСПЕНШІЛІҒІЗДІ БЛДІРІҒІЗ" АТТЫ ЧЕЛЛЕНДЖДІ 5 "А" СЫНЫБЫ БАСТАДЫ.



«Оқуға құштар мектеп» жобасы негізіндегі өткізіліп жатқан кітап оқу айлығы барысында «Кітап - Рухани қазына», «Кітап – асыл қазына» атты тақырыбында 5 «А,Ә» сыныптарынан оқыған кітаптарының мазмұнын мектеп тәлімгері Мадыбаева Ақыл Отанбековна сұрады.



"К.Шакенов атындағы орта мектебі " КММ-де Жарма ауданының тумасы, халық ақыны, әнші, қоғам қайраткері Тұрсынхан Әбдірахманованың 100 жылдық мерейтойының ашылуы өтті. Мерейтой қарсаңында онкүндік жоспар құрылып, сәйкесінше іс-шаралар өтті. Әр үзіліс кезінде мектеп кітапханасында, мектеп акт залында сыныптар бойынша ақынның өмірі мен шығармашылық жолына шолу жасалды, көрме бұрышы ұйымдастырылды.

Мектеп оқушылары арасында жыл сайын дәстүрлі түрде ұйымдастырылатын ҚР Білім және ғылым министрлігінің «Ұлттық Мектеп Лигасының ашылу салтанаты «К.Шакенов атындағы орта мектебі» КММ-де өтті. Бұл лиганың мақсаты – оқушылар арасында салауатты өмір салтын насихаттаумен қатар, патриоттыққа тәрбиелеп, аудандық, облыстық, республикалық жарысқа қатысатын мектеп командасын анықтау. «Ұлттық мектеп лигасының салтанатты ашылуымен құттықтап, Лига – ауыл-аймақтардағы жас дарындарды табуға әрі тануға мүмкіндік беретін бірегей спорт бәсекесі, балаларды додаға дайындаған ұстаздардың мерейін асыратын сайыс алаңы. «Әрбір бала – бір жұлдыз, жарқырауына жәрдем ет» дегендей, барлық баланың асқақ арманына қанат бітіріп, спорттық жетістіктерге талпынысын қолдау – біздің басты мақсатымыз. – деді мектеп директоры К.С.Байғалиев өз құттықтауында. «Ұлттық мектеп лигасы»



жас ерекшеліктеріне қарай спорттың 10 түрі бойынша (баскетбол, волейбол, футбол, асық ату, Президенттік сынама, үстел теннисі, тоғызқұмалақ, шахмат, шаңғы жарысы, футзал) оқу жылы бойында өтеді.



"К.Шакенов атындағы орта мектебі " КММ-де 4-11 сыныптарда өскелең жас ұрпаққа адалдық пен парасаттылық, әділдік, сенім құндылықтарын сіңіріп, жас буынның рухани болмысын бекітіп, сыбайлас жемқорлыққа қарсы мәдениетін қалыптастыру мақсатында "Адалдық сағаттары" өтті.

"Күзгі сәт" тақырыбында сынып сағаттары өткізілді. Мақсаты:

оқушыларға табиғаттың күз мезгіліндегі өзгерістері, күз мезгілінің берекелі екенін айтып, түсінік беру, ойлау қабілетін дамыту, балаларды еңбекқорлыққа тәрбиелеу.



«К.Шакенов атындағы орта мектебі» КММ-де бастауыш сыныптар арасында каникул уақытында өтетін жоспарға сай «Ертегі айта білеміз бе?» сыныптан тыс іс-шара өтті.

Мақсаты: Оқушыларға халық ауыз әдебиетінің бір түрі ертегі туралы түсінік беру. Есте сақтау қабілеттерін арттыру, өз бетімен жұмыс жасауға бейімдеу. Алғыр, ізденімпаз, тапқырлыққа тәрбиелеу.

Ұйымдастырушылар: кітапханашы Кумарсагитова К.К., мектеп тәлімгері Мадыбаева А.О.



"К.Шакенов атындағы орта мектебі " КММ-де

Қазақстан Республикасының Тәуелсіздігінің 30 жылдығына орай Күзгі каникул кезінде Ұлттық мектеп лигасын І кезеңі 8-10 сынып оқушылары арасында волейболдан жарыс өтті.



23 қараша күні мектебімізде жалпыадамзаттық құндылықтар күніне орай "Балалықтың бал шағы" атты балалар мен ата-аналар арасында адамның рухани-адамгершілік әлеуетін арттыруға, құндылық бағдарларын, қоғамға қызмет ету дағдыларын дамытуға бағытталған дөңгелек үстел өткізілді.



«Тәуелсіздік және рухани жаңғыру» атты тақырыпта 8-9 сыныптар арасында дөңгелек үстел өтті.

Дөңгелек үстелдің мақсаты: Іргелі еліміздің Тәуелсіздігін ұлықтау, өскелең ұрпақ бойына патриоттық сезім мен Отанға деген құштарлық, азаматтық белсенділік, өз ойын анық жеткізе білу сынды қасиеттерді сіңіруге атсалысу.



Ел тәуелсіздігінің 30 жылдығы аясында Тұңғыш Президент күнін Кенжебек Шакенов атындағы орта мектеп оқушылары да атап өтті. Ең алдымен, Республикалық бірыңғай «Жас Ұлан» балалар мен жасөспірімдер ұйымына 1-ші және 5-ші сынып оқушылары қабылданды.



Тұңғыш президент күні құтты болсын! Мектеп оқушыларымен "Ұлтына қамқор - Елбасы" атты кітап көрмесі ұйымдастырылды. Мақсаты: елбасының өмірі мен қызметін таныстыру.

"Ұрпақ саулығы - ұлт саулығы" атты түсіндірме жұмыстары жүргізіліп, видеороликтер көрсетілді. Мақсаты: оқушыларды темекінің зиянын дәлелдейтін деректермен таныстыру, темекі шегуге қарсы көзқарас қалыптастыру және салауатты өмір салтын ұстанып, жат қылықтан аулақ болуға тәрбиелеу.

Тұңғыш президент күніне орай «Студенттерді пәтермен қамтамасыз ету» тақырыбында пікірталас өткізілді. Пікірталасқа мектебімізден «Жастар» тобы қатысып, өз ойларын талқыға салды. Оқушылар өз көзқарастарын ашық та, жүйелі етіп дәлелдеді. Іс-шара оқушылардың қоғамға деген көзқарастары мен қызығушылығын қалыптастыруға бастама болды.

Егемен еліміз 16 желтоқсанда салтанатты жағдайда Ұлттық мереке – Тәуелсіздік күнін атап өтеді.

Қазақстандықтар алмағайып өтпелі кезеңнің барлық қиындықтарын жеңіп, әлемдік сахнаға көтерілді. Республикамыздың осындай биіктіктерді бағындыруына барлық адамдар сүбелі үлес қосып келеді. Соның ішінде Кенжебек Шакенов атындағы орта мектеп оқушылары арасында 1-11 сыныптарда 15 желтоқсан күні "Тұғыры биік Тәуелсіздік" атты тәрбие сағаттары мен Тәуелсіздікке

30 жыл мерекесіне орай бастауыш сынып оқушылары көрме ұйымдастырды.



"К.Шакенов атындағы орта мектебі" КММ-де "Өзін-өзі тану: Сүйіспеншілік пен махаббат педагогикасы" атты дәстүрлі онкүндік аясында " Балаға жүрек жылуы" тақырыбында сынып сағаттары және 9 сыныппен "Сүйіспеншілік - өмір негізі" атты дөңгелек үстел өткізілді.



"К.Шакенов атындағы орта мектебі" КММ-сі «Кітапханаға кітап сыйла» акциясын өткізеді.

Акция мақсаты – кітапхана қорын толықтыру.

Акцияға жаңа басылымдармен қатар, қолдануға жарамды тарихи-мәдени құндылықтарын жоғалтпаған ғылыми, көркем басылымдар қабылданады.

Сіздер сыйға тартқан әрбір басылым - маңызды, өйткені ол сол кітаптың ғұмырын созуға, кітапханаға көмек беруге және біздің оқырмандардың сұранысын қанағаттандыруға мүмкіндік береді.



Қысқы маусымдық ойындарының шаңғы жарысын өткізді. Сайысқа 6-8 сынып оқушылары қатысты. Екі кезеңнен тұрған сайыс: шаңғы эстафетасы мен шаңғы тебу жарысы оқушылар үшін тартысты да, қызықты демалыс күні болды.





Кенжебек Шакеновтың туған күніне орай 9-11 сынып оқушылары арасында өткен "Жас сарбаздар" атты әскери патриоттық іс-шара өткізілді.



«Алғысым шексіз!...»

Осылайша, наурыз айының беташар күні мерекелік құттықтау, бір-біріне деген ыстық ықылас пен ризашылық сөздермен бастау алды. Қаһарлы қыс бітіп, жайма шуақ мезгіл көктемнің алғашқы мерекесі тойлануда. Бүгін «Алғыс айту күні» қарсаңында жұмыс жоспары құрылып іс-шаралар атқарылумен қатар, дәстүрімізді дәріптеу мақсатында қазақи нақышта ұлттық киім кию тапсырылды.

Білім ошағына келген әрбір жанды оқушылар құттықтады.





Көктемнің шұғылалы күні 8 наурыз халықаралық әйелдер күніне орай мектеп оқушылары аналар мен ұстаздарға арнап концерттік бағдарлама ұйымдастырды. Мектеп директоры Байғалиев Кайрат Сыдықұлы ұстаздар мен аналарды құттықтап, қызметкерлерді алғыс хаттармен марапаттады.



Жер бетіндегі тіршілік атаулы жаңаратын бұл кезеңді біздің халқымыз «Амал мерекесі» деп атайды. Жыл сайын 14-наурызда «Амал келді - Жыл келді!» деп бір-бірін құттықтап, бір дастарханда дәм татып, ескі жылдан жаңа жылға аман-есен жеткеніне қуанған.

Наурыздың 14-і, Көрісу күніне арналған тәрбие сағаты 5 «А» сыныбында өтті. Мақсаты: «Амал күні» туралы түсінік беру. Қазақ халқының салт-дәстүрін дәріптеу. Тәрбие сағаты барысында оқушыларға мерекенің шығу тарихы жайлы түсінік беріліп, оқушылар салт-дәстүрден көрініс қойды. Тәрбие сағаты соңында Маралбаева Мадинаның орындауында «Мерекелеріңізбен» ән-шашуы жолданды.





Қыз баланың биязылығы мен сымбатының көрінісі болған қолаң шашты, бұрымды қыздарымызды тәрбиелілікке, инабаттылыққа баулу мақсатында 8-10 сынып қыздары арасында «Бұрымды қыз» байқауы өтті. Сайыс: "Менің бейнем", "Мен қазақтың қызымын дара туған", "Өнерлі қыз", "Сән үлгісі", "Шолпысы әсем, жарасып белге..." атты сайыс кезеңдерінен тұрды. Шаш ұзындығы мен сыр-сымбаты келіскен сайыста

9 «А» сынып оқушысы Тұрсынбек Арайлым шашының ұзындығы жағынан, өнер мен білімге күштарлығымен бас жүлдеге ие болды. I орын Мұхит Шәрбат, II орын Еркінқызы Назерке, III орын Төлеутай Айсана марапатталды. Болашақта қазақ қыздарының бойында инабаттылық, киім киісі, жүріс-тұрысы, шаш күтімі мен ұзын шашқа, соның ішінде бұрымға деген көзқарастарына бағыт-бағдар беру – біздің міндетіміз деп ойлаймыз.





Наурыз-табиғат пен адамның жаңаруы. Наурыз мерекесін тойлаудың он күндігік жоспарына сәйкес, сыныптарда "Табиғат күні" атап өтілді. Алдымен табиғат, қоршаған орта туралы оқушылардың түсінігін сұрап, туған жеріміздің табиғатын аялап, гүлдендіру өз қолымызда екендігін айтты. Адам мен табиғат арасында қандай байланыс бар екендігін "Қарияның өсиеті" тақырыбында қойылған көріністен көрді. Сергіту үшін "Жер,су ,ауа" атты ойын ойналды. "Табиғат күнін" Наурыз мейрамымен байланыстыра өлең жолдарын оқыды.



Қазақ халқы балаға 7-9 жасында әкесінен бастап ағайын-туысын, нағашы жұртын, алыс-жақынды таныстыруға, ататегін, руын, ел-жұртын білдіруге ерекше көңіл бөлінген, «Жеті атасын білу» заң болған. Әкесі, атасы балаға тек жеті атасына дейінгі бабаларының атын жаттатып қана қоймай, олардың қандай адам болғанын, ел-жұрты үшін жасаған ерлігі, өнегелі істері жайында әңгіме еткен.



17 наурыз – «Тарихқа тағзым күні». Бұл мереке «Рухани жаңғыру» бағдарламасымен тамырлас. Өйткені, тарихи сананы дұрыс қалыптастырмай, болашақты бағдарлау қиын екенін оқушылар түсіне отырып, ойларымен бөлісті.



Наурыз мерекесінің "Игі істер күні" қарсаңында 9 сынып оқушылары ардагер ұстаздарға көмек қолын ұсынды.





Жер-ананың бусанып, төңіректегі тіршіліктің жаңарған шағында тойланатын Наурыз мейрамының кең форматта аталуы өте қуанарлық жайт. Соның ішінде атаулы күндердің бірін «Шымырлық пен шеберлік» деп атап, ол спорттың, соның ішінде ұлттық спорттың кең көлемде насихатталуына негіз бола бастағаны шаттығымызды одан сайын еселей түсті. Дене тәрбиесі пәні мұғалімдерімен бірлесе отырып, арқан тартыс, қол күресі, асық ату т.б. ұлттық ойындар өткізілді. Дене және ой қимылдарына құрылған ұлттық ойындарымыздың бәрі бүлдіршіндеріміздің шымыр да жігерлі, төзімді де талапты, ойшыл да Отаншыл болып өсуіне негіз болатын тәрізді.



Мектеп оқушылары арасында "Сөздің көркі - мақал" атты сайыс өткізген еді. Сайыс барысында мектеп оқушыларынан құралған "Қыран", "Дарабоз" және "Күншуақ" атты топтар арасында қызықты әрі тартысқа толы әдемі ойын өтті. Оқушылар мақалдарды тауып, жалғасын ұсынып, суреттер бойынша мақалдар құрап, сонымен қатар жыр, жаңылтпаш айтып жарысқа түсті. Сайыс өз мәресіне жетіп, сайыс соңында оқушыларға арнайы мадақтамалар мен сыйлықтар табыс етілді.





"Таза аула" акциясы өткізілді.

Көктем мезгілі дәстүрлі түрде тазалық пен абаттандыру маусымы болып табылады. Осы уақытқа дейін ұзақ қыста жиналған қоқыстар ашылып, аулалар нашар көрінеді. Қалыптасқан жағдай бойынша оқушылар, ұстаздар мен мектеп қызметкерлері сенбілікке шығып, іргелес аумақты ретке келтіру, өзінің белсенді азаматтық ұстанымын көрсету үшін сыпырғышпен, тырмамен және күрекпен қаруланды! Жинау барысында өткен жылғы шөптер мен жапырақтардан тазартылды, ағаштар әктелді. Және мектеп түлектері екі түп шырша отырғызды.



23 сәуір - Халықаралық кітап күні мерекесі. Аталмыш мерекеге орай, жас ұрпақтың кітап оқуға деген құштарлығын арттыру, кітапхана қорындағы көркем әдебиеттерді кеңінен насихаттау мақсатында кітапханашы

Қ.К. Кумарсагитованың ұйымдастыруымен "Кітап - білімнің қайнар көзі" атты "Үздік оқырман сынып" сайысы өтті.






1 мамыр "Бірлік күні" мерекесіне ұйымдастырылған мектепшілік "Бір шаңырақ астында" атты сайыс өткізілді. Сайыстың мақсаты: Қазақстанда тату-тәтті өмір сүретін халықтардың әдет-ғұрпын, дәстүр-тарихын, тілін қастерлеп, бүгіміз бен келешегіміз үшін бірлігімізді нығайту басты борышымыз екенін ұғындыру, Қазақстанда мекен еткен халықтардың мәдениетіне деген құрметті шыңдау, еліміздегі халықтар достығын, бірлігін нығайту.



Бастауыш сынып оқушылары арасында көпұлтты Қазақстан Республикасының халықтар достығы – еліміздің бірлігінің кепілдігі екендігін

таныту мақсатында тәрбие сағаты өткізілді. Әр халықтың өнері, оның рухани байлығының негізін баланың жүрегіне өз ұлтының тілін, дінін біле отырып, өзге ұлттың рухани байлығын сыйлауға, құрметтей білуге баулу.



7 мамыр отан қорғаушылар күні мерекесі қарсаңында бастауыш сынып оқушылары үшін "Жігіт сұлтаны" сайысы өткізілді.





"Ұлы Жеңіс сарбаздары"  
"Жігіт сұлтаны" тәрбие сағаттары  
3 "Ә" сынып



9 мамыр "Жеңіс күніне" Ұлы Отан соғысы, оның зардаптары, Ұлы Жеңіс туралы мағұлмат беру, Отан үшін жан қиған аталар мен апалардың, соғыстан оралған, қазіргі кезде арамызда жүрген ардагерлеріміздің ерлігін үлгі ету







«Тәуелсіздіктің отыз жылдығына 30 түп ағаш» атты акция аясында мектебіміздің айналасы тағы бір мәрте жасыл желекке орануға мүмкіндік алды.



2022 жылдың 20 мамыр күні "Абайлаңыз балалар" акциясы аясында Жаңаөзен ауылында орналасқан "К. Шакенов атындағы орта мектебі" КММ-нің 1-11 сынып оқушылары арасында жазғы демалыста қауіпсіздік ережелерін сақтау, жол жүрісі ережелерін сақтау, дене жарақаттарының алдын алу, түнді мезгілде заңды өкілдерінің еріп жүруінсіз көшеде жүрмеу мақсатында профилактикалық жұмыстар жүргізілді.



**Қорытындылай келе,** Кенжебек Шакенов атындағы орта мектебінде Парламент ұйымының Фракция мүшелері тек қана іс шаралар өткізіп қоймай, мектебімізде 2017 жылдан бері жүргізіліп келе жатқан «Он кітап» жобасы бойынша мектеп кітапханашысымен бірлесе отырып буккросинтар, түрлі акциялар ұйымдастырылды. Дебат жұмыстары мен атаулы күндер мен мерекелерге сай көрме ұйымдастыру жұмыстары жүргізілді.